

## CONVOCATORIA PA LA SELECCIÓN DE PROPUESTES DE TALLERES ESCOLARES DIRIXÍOS A CENTROS EDUCATIVOS DEL PRINCIPÁU D'ASTURIES Y PROGRAMACIÓN POSTERIOR EN LLABORAL CIUDÁ DE LA CULTURA

### EL PROYECTU

La Sociedá Pública de Xestión y Promoción Turística y Cultural del Principáu d'Asturies (d'equí p'arriba la SPXP) tien encamentada la xestión de dellos equipamientos culturales, turísticos y deportivos de la rexón, ente ellos Llaboral Ciudad de la Cultura en Xixón.

Esti equipamientu, amás d'ufiertar una programación de visites guíaes, promueve un programa d'actividaes pa escolares ufiertando como alternativa fuera del aula a los centros educativos de tola rexón, ente otros proyectos, talleres didácticos que se lleven a cabu nes distintes instalaciones de Llaboral.

La SPXP plantea esta convocatoria de talleres escolares con un doble oxetivu: per un sitiu, dar a conocer el trabayu de profesionales de diferentes ámbitos como la ciencia, la historia, la lliteratura, arquitectura, l'arte, etc. y per otru, averar al alumnáu de la rexón una programación d'actividaes didáctiques de calidá que puedan valir como complementu a los conteníos impartíos nel aula.

Pa cumplir esti oxetivu realízase la presente convocatoria al traviés de la que se van escoyer talleres de diferentes tipoloxíes promovíos por profesionales de distintos ámbitos, col enfotu de formar un catálogu que va valir de base pa la programación de la ufierta escolar de Llaboral pal cursu 2025-2026.

La sede que va acoyer les actividaes oxetu d'esta convocatoria ye Llaboral Ciudad de la Cultura (Xixón), poniendo a disposición de los/les profesionales interesaos/es nesti proyectu diferentes sales, que se van escoyer en función de los requisitos del taller presentáu y de la disponibilidad del espaciu pa cada fecha. Tolos espacios propuestos van cumplir la llexislación vixente en materia de seguridá y la referida a prevención de riesgos llaborales.

### OXETU DE LA CONVOCATORIA

L'oxetu d'esta convocatoria ye la escoyeta de dellos proyectos pa la programación posterior de talleres escolares variaos que van facese en Llaboral Ciudad de la Cultura, baxo reserva previa de los centros educativos, en feches a acordar ente Llaboral y los/les profesionales escoyíos/es.

Con esta iniciativa preténdese complementar les programaciones avezaes de los centros educativos dende la contratación de talleres escolares que se van incluyir na programación escolar de Llaboral Ciudad de la Cultura pal próximu cursu escolar 2025-26.

Per aciú la presente convocatoria establécense les bases y requisitos que van rexir la mesma, asina como el procedimientu pa la selección de les propuestes al respective de los principios de publicidá, llibre afluyencia y oxetividá.

## 2.- PUBLICACIÓN Y PUBLICIDÁ

La presente convocatoria y bases, asina como la resolución del procedimientu, van ser publicaes na páxina web de Llaboral Ciudá de la Cultura ([laboralciudadde lacultura.com](http://laboralciudadde lacultura.com)), ensin perxuiciu de los medios complementarios d'espardimientu que la SPXP quiera utilizar.

## 3.- SOLICITANTES

Van poder participar na presente convocatoria les persones físiques o xurídiques qu'axunten los siguientes requisitos:

- Desenvolver la so actividá principal nel ámbitu de la investigación o programación d'actividaes culturales, didáctiques, educatives y artístiques.
- Tar a la corriente de les sos obligaciones tributaries col Estáu y cola Comunidá Autónoma del Principáu d'Asturies, lo mesmo que de les obligaciones cola Seguridá Social.
- Tar daos d'alta na Seguridá Social y nel epígrafe correspondiente del Impuestu d'Actividaes Económiques y acreditar la solvencia técnica riquida enantes del entamu de les actividades.
- Les persones que lleven a cabu l'actividá y tean en contactu colos grupos infantiles, han presentar el Certificáu de Delitos de Naturaleza Sexual de forma previa a la realización de l'actividá.

Dicha documentación ha presentase **cuando se-y notifique que'l proyectu resultó escoyíu**, y de forma previa al entamu de les actividaes.

## 4.- CARACTERÍSTIQUES DE LOS PROYECTOS QUE PUEN PRESENTASE A LA PRESENTE CONVOCATORIA

Les característiques que van haber d'axuntar les propuestes son les siguientes:

**TEMÁTIQUES:** los proyectos van poder tratar sobre cualesquier disciplina o temática con vinculación a los conteníos educativos impartíos nos centros escolares: lliteratura, astronomía, matemátiques, nueves tecnoloxíes, ciencia, arte, historia, naturaleza, bioloxía, mediu ambiente, arquitectura, idiomas, etc.

**PÚBLICU OXETIVU:** alumnáu de los distintos ciclos d'Infantil / Primaria / Secundaria.

**NÚMBERU DE PROYECTOS PER PROFESIONAL O ENTIDÁ:** el númberu final de proyectos a contratar va venir determináu pol presupuestu máximu disponible. El máximu de propuestas pa presentase a esta convocatoria por profesional o entidá ye de seis proyectos.

**MEDIOS TÉCNICOS Y HUMANOS:** cada profesional o entidá va apurrir los medios técnicos (de los que nun disponga la sede) y humanos que seyan necesarios pal desenvolvimientu de l'actividá, asina como los materiales funxibles en casu de precisalos.

**TEMPORALIDÁ Y FECHES:** les actividaes van programase a lo llargo del próximu cursu escolar 2025-26, en fechas a acordar ente dambes partes na xornada lectiva (de llunes a vienres n'horariu de pela mañana).

En siendo comunicaes y espublizaes ente los centros escolares la programación y fechas, va dase un plazu de reserva d'hasta 7 díes enantes de la fecha d'execución prevista de l'actividá. En casu de nun producise nenguna reserva per parte de los centros educativos, el taller va anulase ensin qu'haya llugar a contraprestación económica dalguna. En casu de mutu u alcuertu ente les partes, tamién se podrá intentar buscar una fecha alternativa p'aplazar l'actividá.

**PRESUPUESTU MÁXIMU POR PROYECTU:** establezse un preciu máximu por actividá pa presentase a esta convocatoria de 500 € + IVA.

**DERECHOS D'EXHIBICIÓ:** cada profesional o entidá tendrá de cuntar colos derechos de propiedá intelectual pa exhibir o mostrar el proyectu que proponga.

## 5.- PRESENTACIÓN DE SOLICITÚES Y DOCUMENTACIÓN

La solicitú va unviase per email al corréu [eventos@turismoycultura.asturias.es](mailto:eventos@turismoycultura.asturias.es)

En presentándola, cada solicitante va recibir acuse de recibu per corréu electrónicu.

La hora y fecha llímite de presentación de les solicitúes van ser les 12:00 hores del vienres 6 de xunu del 2025.

Documentación a presentar:

- 1<sup>u</sup>. Impresu de solicitú, proyectu y presupuestu de conformidá col modelu establecíu nel ANEXU I.
- 2<sup>u</sup>. Declaración responsable conforme al modelu establecíu nel ANEXU II.
- 3<sup>u</sup>. Currículum del profesional o entidá que presenta'l proyectu.
- 4<sup>u</sup>. Fotografía/es ilustrativa/es del proyectu.
- 5<sup>u</sup>. Enllaz a videu si se quier.

## 6.- VALORACIÓN DE LOS PROYECTOS, CATALOGACIÓN Y SELECCIÓN

La valoración de los proyectos o propuestas presentaes va realizase, acordies con los criterios fitos nes presentes bases, dende l'área de Xestión d'Espacios de Llaboral Ciudá de la Cultura, integrada por:

- Silvia Álvarez Solís, Técnica del area de Xestión d'Espacios de Llaboral Ciudá de la Cultura.
- Verónica Ruiz Gutiérrez, Técnica del área de Xestión d'Espacios de Llaboral Ciudá de la Cultura.

Va poder solicitase a los/es interesaos/es cuantes aclaraciones, información o documentación complementaria seya necesaria pa la correcta valoración de los proyectos.

La resolución va comunicase a los/es intereses/es enantes del 4 de xunetu del 2025 y va publicase na web de Llaboral ([laboralciudadde lacultura.com](http://laboralciudadde lacultura.com)).

**Criterios de valoración.** Van calificase les propuestas presentaes como “Aptes” y “Non aptes”, valorando la so adecuación a los siguientes criterios:

-Interés cultural, científicu y/o artísticu del proyectu. Van valorase especialmente la calidá didáctica y calter novedosu del proyectu, y va tenese en consideración el grau d'elaboración, detalle y concreción de la propuesta.

-Va tenese especial consideración con aquelles propuestas que fomenten la igualdá y la diversidá, qu'utilicen un llinguaxe inclusivu, que promuvan una mayor visibilidá de la muyer, y/o que propongan discursos dende la identidá de xéneru.

-La formación, esperiencia y trayectoria de profesionales y entidaes implicaes nel desenvolvimientu de los proyectos.

-Viabilidá técnica, económica y rigor presupuestariu. L'adecuación del preciu al número de profesionales arreyaos y los medios técnicos y materiales funxibles que s'apurren.

-L'adaptación de los proyectos a los aforos de los grupos qu'avecen solicitar talleres escolares (los centros suelen allegar n'autobuses de 50 places p'axustar costos).

En valorándose tolos proyectos, va publicase un informe indicando qué actividaes resultaron “Aptes” y “Non aptes”. Colos proyectos consideraos aptos la SPXP va elaborase un catálogu que va servir como base pa escoyer los talleres que se van incorporar na programación escolar de Llaboral Ciudá de la Cultura pal cursu 2025-2026, y va contactase colos/les profesionales de los proyectos escoyíos pa encaxar les feches de les actividades.

## 7.- DOCUMENTACIÓN A PRESENTAR POLOS PROYECTOS ESCOYÍOS

En confirmándose la selección y axudicación del proyectu, los/es escoyíos/es han presentar nel plazu riquíu la siguiente documentación:

- a) Documentos qu'acrediten la personalidá del solicitante. Si'l solicitante fuera persona xurídica va acreditase per aciu la presentación de la escritura de constitución o cambéu, nel so casu, debidamente inscrita nel Rexistru Mercantil cuando esti requisitu seya esixente según la llexislación mercantil aplicable. Si dichu requisitu nun fora esixente, la capacidá d'obrar va realizase per aciu la escritura o documentu de constitución, estatutos o acta fundacional, nel que consten les normes poles que se regula la so actividá, inscritos, nel so casu, nel correspondiente Rexistru Oficial. Pa empresarios/es individuales y persones físiques va ser obligatoria la presentación de la fotocopia del DNI o documentu que, nel so casu, lu sustituya reglamentariamente.
- b) Documentos qu'acrediten, nel so casu, la representación. Los que comparezan o firmen ufiertes en nome d'otru van presentar Documentu Nacional d'Identidá y poder. Dichu poder ha figurar inscrite nel Rexistru Mercantil o, nel so casu, nel correspondiente Rexistru Oficial. Si se trata d'un poder p'actu concretu nun ye necesaria la inscripción nel Rexistru Mercantil, acordies con l'artículu 94.5 del Reglamentu del Rexistru Mercantil.
  - Certificáu de tar a la corriente d'obligaciones tributaries y cola Seguridá Social.
  - Impuestu sobre Actividaes Económiques: alta nun epígrafe rellacioná col oxetu de la convocatoria referida al exerciciu corriente, o últimu recibu, xunto con una declaración de nun dase de baxa na matrícula del citáu impuestu, o bien certificáu de situación al respective de dichu impuestu emitíu pola Axencia Tributaria.
  - Certificación positiva acreditativa de tar a la corriente de les obligaciones tributaries col Estáu espedita pola Axencia Estatal de l'Alministración Tributaria-
  - Certificación positiva del Ente Públicu de Servicios Tributarios del Principáu d'Asturies acreditativa de tar a la corriente de les obligaciones tributaries col Principáu d'Asturies.
  - Certificación positiva de tar a la corriente de les obligaciones cola Seguridá Social espedita pola Tesorería Xeneral de la Seguridá Social.

#### **NOTA ACLARATORIA:**

Van tar exentos de presentar l'impuestu d'actividaes económicques aquellos proyectos escoyíos que s'atopen nel supuestu de exención del impuestu sobre'l valor añedíu que s'establez nel artículu 20. Ún. 26º de la LLEI 37/1992, de 28 d'avientu, del Impuestu sobre'l Valor Añedíu: “Los servicios profesionales, incluyíos aquéllos que la so contraprestación consista en derechos d'autor, emprestaos por artistes plásticos, escritores, collaboradores lliterarios, gráficos y fotográficos de periódicos y revistes, compositores musicales, autores d'obres teatrales y d'argumentu, adaptación, guion y diálogos de les obres audiovisuales, traductores y adaptadores”.

Les solicitúes que, siendo propuestas pa realizar el so proyectu, nun acrediten dentro del plazu establecíu'l cumplimientu de les obligaciones riquies o nun presenten la documentación en plazu, van poder ser refugaes.

#### **8.- FORMALIZACIÓN DE LOS CONTRATOS**

En tando acreditaos los requisitos de participación formalizaránse los correspondientes contratos. El plazu pa la formalización d'estos contratos va depender de les feches de realización de les actividaes, debiendo siempre formalizase polo menos 7 díes enantes de la fecha na que va tener llugar la primer actividá. El trescurso d'esi plazu ensin que llegue a formalizase'l contratu por causes imputables al solicitante va provocar la caducidá de la solicitú, la perda de los derechos que pudieren corresponde-y y l'esclusión del so proyectu de la programación de Llaboral.

#### **9.- OBLIGACIONES DE PROFESIONALES Y ENTIDAES ESCOYÍOS**

En casu de resultar escoyida la so propuesta, los/es profesionales o entidaes comprométense a:

- Llevar a cabu'l proyectu nes feches, hores y términos conveníos.
- Poner a disposición de la SPXP los materiales gráficos y audiovisuales al so algame pa facilitar la promoción y espardimientu del proyectu.
- Espublizar al traviés de los sos medios información sobre l'actividá (web, redes sociales, mailing, etc.) y collaborar cola SPXP na atención a los medios de comunicación en casu de que seya menester.
- Aceptar l'usu del nome del profesional, asociación y/o empresa p'acciones promocionales o de comunicación del proyectu.
- Presentar la documentación que resulte d'aplicación según la llexislación vixente en materia de seguridá llaboral y prevención de riesgos llaborales.

#### **10. - ACEPTACIÓN DE LES BASES**

La presentación d'un proyectu a esta convocatoria supón l'aceptación automática y completa a les presentes bases.

ANEXU I:

DATOS FISCALES Y CONTACTU	
Datos fiscales y de facturación (Nome fiscal, dirección postal y CIF)	
Datos de contactu (nome, teléfonu, corréu electrónicu y redes sociales)	

DATOS DEL PROYECTU	
Denominación del proyectu	
Temática/Disciplina	
Descripción del proyectu	
Públicu oxetivu (indicar ciclos y/o cursos escolares a los que va empobináu'l proyectu)	
Espaciu preferente (requisitos básicos qu'ha tener la sala onde se va desenvolver l'actividá)	
Necesidaes técniques y montaxe de sala	
RRHH involucrados nel proyectu (Número y perfiles). <i>Diferenciar ente n<sup>u</sup> d' homes y n<sup>u</sup> de muyeres</i>	
Aforu máximu recomendáu	
Duración de l'actividá	
Proyect u adaptable a formatu online (SI/NON)	

DATOS ECONÓMICOS IMPUESTOS NO INCLUIDOS	
Presupuestu por actividá	€
Presupuestu pa dos actividaes en sedes y conceyos distintos (importe unitariu.)	€
Presupuestu dende la tercer actividá en sedes y espacios escénicos distintos (importe unitariu)	€

OTROS	
Información adicional / Observaciones	

## ANEXU II

### DECLARACIÓN RESPONSABLE

D./D.<sup>a</sup> .....con NIF n.º

.....

En nome propiu o en representación de la empresa

.....con NIF n.º

.....en calidá de .....

En relación cola solicitú de participación na convocatoria pa la selección de propuestas de talleres escolares dirixíos a centros educativos del Principáu y posterior programación en Llaboral Ciudá de la Cultura **DECLARA BAXO LA SO RESPONSABILIDÁ que:**

1.- Ta en situación d'alta nel Impuestu d'Actividaes Económiques (IAE), baxo l'epígrafe \_\_\_\_\_ correspondiente a \_\_\_\_\_.

2.- Nun incurre nes prohibiciones pa contratar previstes n'artículu 71 de la Llei 9/2017, de 8 de payares, de Contratos del Sector Públicu y atópase al corriente del cumplimientu de les obligaciones tributaries col Estáu y cola comunidá autónoma del Principáu d'Asturies y de les obligaciones cola Seguridá Social, impuestos poles disposiciones vixentes.

3.- Tien la titularidá de los derechos d'esplotación del proyectu que presenta a la convocatoria.

Y pa qu'asina conste y tenga efectos énte la Sociedá Pública de Xestión y Promoción Turística y Cultural del Principáu d'Asturies, SAU, firma esta solicitú y declaración responsable

En \_\_\_\_\_ a \_\_\_\_ de \_\_\_\_\_ del 2025

Fmao. \_\_\_\_\_

*(firma del solicitante o representante llegal)*

INFORMACIÓN BÁSICA SOBRE PROTECCIÓN DE DATOS	
<b>Responsable</b>	SOCIEDÁ PÚBLICA DE XESTIÓN Y PROMOCIÓN TURÍSTICA Y CULTURAL DEL PRINCIPÁU D'ASTURIES, S.A.U.
<b>Finalidá</b>	Participación na elaboración d'un catálogu de talleres escolares empobinaos a centros educativos del Principáu y la programación posterior en Llaboral Ciudá de la Cultura pal cursu 2025-2026.
<b>Lexitimación</b>	Consentimientu del interesáu/ada
<b>Destinatarios</b>	Los datos van poder ser utilizados pol personal adscritu a la SPXP.
<b>Derechos</b>	Acceder, correxir y suprimir los datos, amás d'otros derechos, como s'esplica na información adicional.
<b>Información Adicional</b>	Pue consultar la información adicional y detallada sobre Protección de Datos na nuestra páxina web: <a href="https://www.turismoasturias.es/aviso-legal">https://www.turismoasturias.es/aviso-legal</a>